

佛說大乘無量壽莊嚴經卷上

兵一

西天譯經三藏朝散大夫試光祿卿明教大師臣法賢奉詔譯

如是我聞一時佛在王舍城鷲峯山中與大  
苾芻眾三萬二千人俱皆得阿羅漢具大神  
通其名曰尊者阿若憍陳如尊者馬勝尊者  
麼瑟比拏尊者大名尊者跋多婆尊者稱天

天竺

尊者離垢尊者妙臂尊者布闍拏枳曇尊者  
憍梵波提尊者優樓頻螺迦葉尊者那提迦  
葉尊者舍利子尊者大目犍連尊者摩訶迦  
旃延尊者摩訶俱絺羅尊者劫賓那尊者摩  
訶剌那尊者彌多羅尼子尊者阿那律尊者  
喜尊者緊卓哩拏尊者須菩提尊者哩嚩帝

尊者佉祢囉嚩你枳曇尊者摩賀囉倪尊者  
波囉野尼枳曇尊者嚩拘隸曇尊者阿難陀  
尊者羅睺羅尊者善來如是等三萬二千人  
俱尔時尊者阿難即從座起偏袒右肩右膝  
著地合掌頂禮白佛言世尊如來應正等覺  
諸根清淨面色圓滿寶剌莊嚴如是功德得

未曾有云何所行廣大妙行及過去未來諸  
佛所行願為宣說

佛告阿難善哉善哉汝為利益一切眾生懷  
慈愍心能問如來微妙之義汝今諦聽善思  
念之如來應供正遍知今為汝說

佛告阿難如過去無量無邊不可思議阿僧  
祇劫尔時有佛世尊出現於世名曰然燈如  
來應正等覺彼然燈佛前復有世尊出現世  
間名鉢囉多波野輸如來又彼佛前有佛出  
世名發光如來又彼佛前有佛出世名贊那  
曇誑囉護如來又彼佛前有佛出世名須彌  
劫如來又彼佛前有佛出世名月面如來又

彼佛前有佛出世名無垢面如來又彼佛前  
有佛出世名無著如來又彼佛前有佛出世  
名龍主如來又彼佛前有佛出世名日面如  
來又彼佛前有佛出世名山響音王如來又  
彼佛前有佛出世名須彌峯如來又彼佛前  
有佛出世名金藏如來又彼佛前有佛出世

名火光如來又彼佛前有佛出世名不動地  
如來又彼佛前有佛出世名琉璃光如來又  
彼佛前有佛出世名月王如來又彼佛前有  
佛出世名日音如來又彼佛前有佛出世名  
散花莊嚴如來又彼佛前有佛出世名吉祥  
峯如來又彼佛前有佛出世名持海慧自在

菩薩上

二

黃卷

通王如來又彼佛前有佛出世名施光如來  
又彼佛前有佛出世名大香象光如來又彼  
佛前有佛出世名離一切垢如來又彼佛前  
有佛出世名勇猛峯如來又彼佛前有佛出  
世名寶光如來又彼佛前有佛出世名持多  
德得通如來又彼佛前有佛出世名過日月  
光如來又彼佛前有佛出世名最上琉璃光  
如來又彼佛前有佛出世名慧花開心行出  
生如來又彼佛前有佛出世名大華林通王  
如來又彼佛前有佛出世名一月光如來又  
彼佛前有佛出世名破無明黑暗如來又彼  
佛前有佛出世名真珠珊瑚蓋如來又彼佛

前有佛出世名三乘法自在王如來又彼佛  
前有佛出世名師子海峯自在王如來又彼  
佛前有佛出世名梵音聲自在王如來又彼  
佛前有佛出世名世自在王如來應正等覺  
明行足善逝世間解無上士調御丈夫天人  
師佛世尊而於法中有一苾芻名曰作法信

解第一明記第一修行第一精進第一智慧

第一大乘第一

尔時苾芻離自本處來詣佛前頭面禮足於  
一面立即以伽他嘆佛面色端嚴復發廣大

誓願頌曰

如來微妙色端嚴

菩薩上

一切世間無有等

光明無量照十方  
願我得佛清淨聲  
宣揚戒定精進門  
智慧廣大深如海  
超過無邊惡趣門  
亦如過去無量佛

日月火珠皆曜曜  
法音普及無邊界  
通達甚深微妙法  
內心清淨絕塵勞  
速到菩提究竟岸  
威光普照眾生界

為彼群生大導師  
常行布施及戒忍  
未度有情令得度  
我以一切伸供養  
恒河沙數佛世尊  
復有十方諸佛刹

度脫老死令安隱  
精進定慧六波羅  
已度之者使成佛  
百千俱胝那由他  
令我成就寂滅果  
恒放光明照一切

殊勝莊嚴無等倫  
所有無邊世界中  
速生我刹受快樂  
願我精進恒決定  
度盡阿鼻苦眾生

願我成就刹群品  
輪迴諸趣眾生類  
不久俱成無上道  
常運慈心拔有情  
所發弘誓永不斷  
尔時世尊告阿難言彼作法苾芻就是偈已

白世自在王如來我今發阿耨多羅三藐三  
菩提心樂求無上正等正覺唯願世尊說諸  
佛刹功德莊嚴若我得聞恒自修持嚴土之  
行 尔時世自在王如來告作法苾芻言汝  
自思惟修何方便而能成就佛刹莊嚴苾芻  
白言我智慧微淺不能了知嚴刹之行如來

應正徧知願為宣說諸佛刹土莊嚴之事時  
世自在王如來即為宣說八十四百千俱胝  
那由佛刹功德莊嚴廣大圓滿之相經於一  
劫方可究竟

尔時阿難聞是事已白佛言世尊彼世自在  
王佛壽量長短云何說上經於一劫佛告阿

難彼佛壽命滿四十劫阿難彼作法苾芻聞  
佛所說八十四百千俱胝那由他佛刹功德  
莊嚴之事明了通達如一佛刹即時會中頭  
面禮足辭佛而退往一靜處獨坐思惟修習  
功德莊嚴佛刹發大誓願經於五劫

尔時作法苾芻復詣世自在王如來所五體  
共莊嚴上

投地禮世尊足禮已合掌白佛言世尊如是  
八十四百千俱胝那由他佛刹功德莊嚴所  
行行願我今成就時世自在王如來告苾芻  
言善哉善哉汝之行願思惟究竟今正是時  
為眾解說時諸菩薩聞是法已得大善利能  
於佛刹修習莊嚴

尔時作法苾芻聞佛聖旨偏袒右肩右膝著地合掌向佛即為宣說世尊我發誓言願如世尊證得阿耨多羅三藐三菩提所居佛刹具足無量不可思議功德莊嚴所有一切眾生及焰摩羅界三惡道中地獄餓鬼畜生皆生我刹受我法化不久悉成阿耨多羅三藐

三菩提一切皆得身真金色

世尊我得菩提成正覺已十方世界所有眾生令生我刹如諸佛土人天之眾遠離分別諸根寂靜悉皆令得阿耨多羅三藐三菩提世尊我得菩提成正覺已十方世界所有眾生令生我刹得大神通經一念中周徧巡歷

百千俱胝那由他佛刹供養諸佛深植善本悉皆令得阿耨多羅三藐三菩提世尊我得菩提成正覺已所有眾生令生我刹一切皆得宿命通能善觀察百千俱胝那由他劫過去之事悉皆令得阿耨多羅三藐三菩提世尊我得菩提成正覺已所有眾生令生我刹

非衆上

五

一切皆得清淨天眼能見百千俱胝那由他世界塵細色相悉皆令得阿耨多羅三藐三菩提世尊我得菩提成正覺已所有眾生令生我刹一切皆得他心通善能了知百千俱胝那由他眾心心所法悉皆令得阿耨多羅三藐三菩提世尊我得菩提成正覺已所有

眾生令生我刹一切皆得住正信位離顛倒想堅固修習悉皆令得阿耨多羅三藐三菩提世尊我得菩提成正覺已所有眾生令生我刹所修正行善根無量徧圓寂界而無間斷悉皆令得阿耨多羅三藐三菩提世尊我得菩提成正覺已所有眾生令生我刹雖住聲聞緣覺之位往百千俱胝那由他寶刹之內徧作佛事悉皆令得阿耨多羅三藐三菩提世尊我得菩提成正覺已所有眾生令生我刹一切皆得無邊光明而能照曜百千俱胝那由他諸佛刹土悉皆令得阿耨多羅三藐三菩提世尊我得菩提成正覺已所有眾

生令生我刹命不中天壽百千俱胝那由他劫悉皆令得阿耨多羅三藐三菩提世尊我得菩提成正覺已所有衆生令生我刹無不善名聞無量無數諸佛刹土無名無號無相無形無所稱讚而無疑謗身心不動悉皆令得阿耨多羅三藐三菩提世尊我得菩提成正覺已所有衆生求生我刹念吾名號發志誠心堅固不退彼命終時我令無數苾芻現前圍繞來迎彼人經須臾間得生我刹悉皆令得阿耨多羅三藐三菩提世尊我得菩提成正覺已所有十方無量無邊無數世界一切衆生聞吾名号發菩提心種諸善根隨意求生諸佛刹土無不得生悉皆令得阿耨多羅三藐三菩提世尊我得菩提成正覺已所有衆生令生我刹皆具三十二種大丈夫相一生令得阿耨多羅三藐三菩提世尊我得菩提成正覺已所有衆生令生我刹若有大願未欲成佛爲菩薩者我以威力令彼教化

共  
莊嚴上

一切衆生皆發信心修菩提行普賢行寂滅行淨梵行最勝行及一切善行悉皆令得阿耨多羅三藐三菩提世尊我得菩提成正覺已所有衆生令生我刹於一切處承事供養無量百千俱胝那由他諸佛種諸善根隨意所求無不滿願悉皆令得阿耨多羅三藐三菩提世尊我得菩提成正覺已我刹土中所  
有菩薩皆得成就一切智慧善談諸法秘要之義不久速成阿耨多羅三藐三菩提世尊我得菩提成正覺已我居寶刹所存菩薩發勇猛心運大神通往無量無邊無數世界諸佛刹中以真珠瓔珞寶蓋幢幡衣服卧具飲食湯藥香花伎樂承事供養他方世界無量無邊諸佛世尊而不能往我於今時以宿願力令彼

他方諸佛世尊各舒手臂至我刹中受是供養令彼速成阿耨多羅三藐三菩提世尊我得菩提成正覺已我居寶刹所有菩薩隨自意樂不離此界欲以真珠瓔珞寶蓋幢幡衣服卧具飲食湯藥香花伎樂供養他方無量諸佛又復思惟如佛展臂至此受供劬勞諸

共 七

七

七

佛令我無益作是念時我以神力令此供具自至他方諸佛面前一一供養

尔時菩薩不久悉成阿耨多羅三藐三菩提世尊我得菩提成正覺已我居寶刹所有菩薩身長十六由旬得那羅延力身相端嚴光明照耀善根具足成就阿耨多羅三藐三菩提世尊我得菩提成正覺已我居寶刹所有菩薩為諸衆生通達法藏安立無邊一切智慧斷盡諸結悉得證成阿耨多羅三藐三菩提世尊我得菩提成正覺已我居寶刹所有菩薩以百千俱胝那由他種種珍寶造作香爐下從地際上至空界常以無價栴檀之香

普薰供養十方諸佛令得速成阿耨多羅三藐三菩提世尊我得菩提成正覺已所居佛刹廣博嚴淨光瑩如鏡悉能照見無量無邊一切佛刹衆生觀者生希有心不久速成阿耨多羅三藐三菩提世尊我得菩提成正覺已我居寶刹所有菩薩晝夜六時恒受快樂過於諸天入平等慧持門身光普照無邊世界不久得成阿耨多羅三藐三菩提世尊我得菩提成正覺已所有十方無量無邊無數世界一切女人若有厭離女身者聞我名号發清淨心歸依頂禮彼人命終即生我刹成男子身悉皆令得阿耨多羅三藐三菩提世尊我得菩提成正覺已所有十方無量無邊無數佛刹聲聞緣覺聞我名号修持淨戒堅固不退速坐道場成就阿耨多羅三藐三菩提世尊我得菩提成正覺已所有十方無量無邊不可思議無等佛刹一切菩薩聞我名号五體投地禮拜歸命復得天上人間一切

有情尊重恭敬親近侍奉增益功德成就阿  
耨多羅三藐三菩提世尊我得菩提成正覺  
已所有衆生發淨信心爲諸沙門婆羅門染  
衣洗衣裁衣縫衣修作僧服或自手作或使  
人作作已迴向是人所感八十一生得最上  
衣隨身豐足於最後身來生我刹成就阿耨

多羅三藐三菩提

佛說大乘無量壽莊嚴經卷上

兵一

枳曩上居只反那上欺隸反贊帝贊字暱暱暱

正尼力反俱下珍反鹿細字劬上音勞音光

瑩下紆反縫衣上音 沈茂敬書

大宋國平江府吳江縣同里居住奉

佛儒林郎前嘉興府戶部亭林稿賞酒庫兼黃謹施澤

財魯伯陸拾陸貫崇伯捌拾文恭入

延聖院經坊刊

佛說大乘無量壽莊嚴經一部上中下三卷共計二萬二

千二百二十六字所集

功德保佑花男玉麟易長易養集福消災者

淳祐三年十月

日儒林郎葉

黃

謹題

都勸錄大檀越成忠郎趙

黃

佛說大乘無量壽莊嚴經卷中

兵二

西天譯經三藏朝散大夫試光祿卿明教大師臣法賢奉詔譯

爾時作法莖芻白世尊言我得菩提成正覺  
已所有一切衆生聞我名號永離熱惱心得  
清涼行正信行得生我刹坐寶樹下證無生  
忍成就阿耨多羅三藐三菩提世尊我得菩

傳方刊

提成正覺已所有十方一切佛刹諸菩薩衆  
聞我名号應時證得寂靜三摩地住是定已  
於一念中得見無量無邊不可思議諸佛世  
尊承事供養成就阿耨多羅三藐三菩提世  
尊我得菩提成正覺已所有十方一切佛刹  
聲聞菩薩聞我名號證無生忍成就一切平  
等善根住無功用離加行故不久令得阿耨  
多羅三藐三菩提世尊我得菩提成正覺已  
所有十方一切佛刹諸菩薩衆聞我名已生  
希有心是人即得普徧菩薩三摩地住此定  
已於一念中得至無量無數不可思議諸佛  
刹中恭敬尊重供養諸佛成就阿耨多羅三